

A3^r

Dem Edlen Ge-
ftrengen vnd Ehrenfelten Chriftophoren
von Dorftad/ Frantzzen feligern Sohn/ Inhabern
des Ampts Crottorff im Stifft Halberftad/ vnd
auff Emerfleben Erbfaffen.

Gottes Gnad/ Gefundheit
vnd Wolfarth.

EDler/ Geftrenger/ Ehrenfe-
fter/ großgünftiger Jungkher/ Patron
vnd Förderer/ es ift eine alte Fabel/ das der
Bacchus im Jar nach anfang der Welt
2509. für vnfers HERRN Chrifti Ge-
burt 1460 Jar/ zu aller erft mit Kriegs-
knechten/ vnd rafenden Weibern/ fo Bac-
chæ genant worden/ die Indianer bekrieget/ vnd fie in dem
Weinbaw vnterricht/ vnnd zur Seufferey gewehnet habe.
Daher er denn nacket/ als ein Indianer/ mit einer Weinrebe
gegürtet/ vnnd gekrönet/ vnnd mit einem Becher in der
Hand gemahlet wird. Vnd ift jhm hernacher das Faftnacht-
fpiegel bey den Griechen/ Römern vnd vns Teutfchen zu ehren ge-
halten worden/ mit vnmenfchlichem Gefeuffe/ Vnzucht vnd
Mord. Es ift aber aus der Heiligen Schrifft gewiß/ Das der
verfluchte Cham einen Sohn gehabt/ Chus genant/ von dem

A iij alle

A3^v

alle Mohreu in Arabia vnd India entproffen fein: Jft auch das wahr/ das Noha zu erft nach der Sindfluth den Wein gebawet/ vnd in trunckner weife von dem Cham erft bloß gefunden vnd verlachtet fey. Jft derhalben kein zweifel/ das diefer Bacchus fey der Noha felbft/ alfo genant. Als Abba Chus. Als des Chuffen groß Vater. Deffen bloßliegen haben auch durch des Teuffels anftiftung Kindes Kind fpotten/ vnd aus jhres Vatern Sünde einen Abgott machen müffen. Gleich wie Loths Töchter Kinder/ die Moabiter vnnd Ammoniter das fchandbild Priapi für jhren Gott gehalten/ vnd Baalpeor genant haben/ den Herrn der fruchtbarkeit. Wie auch Priapus fo viel ift als Peor Abba/ der fruchtbare Vater. Diefes vermeinten Bacchi reifen/ hat Alexander Magnus auch befuchen wollen/ als er zu erft der Perfen König Darium, vnd hernach den König Porum in India gefchlagen hatte. Im 325 jahr für vnfers HErrn Chrifti Geburt. Bey des Alexandri Hiftorien aber wird allezeit folgende Epiftel gefatzt/ als ein kurtzer auffzug/ deffen was man von den Indianifchen Landē vnd fachen redet. Es ift aber diß alles hernach weitleufftiger von vielen Gelerten Griechen befchrieben. Als aber die Römer die Griechen vberwundē/ vnd jre Bücher vnd Bibliotheken von allenthalben zu Rom zufammen gebracht hatten. Findet ſich endlich einer genant Cajus Plinius Secundus, vnter dē Keyſer Tito Veſpaſiano, der Jeruſalem zu letzt verftöret hat/ des Römiſchē Reichs Cantzler Der liefet alle Griechiſche vnd Lateiniſche Bücher durch/ vnd was er in denfelben/ von Himmel vnd Erden/ Menſchen/ Vieh/ Beumen/ Kreutern/ Metallen vnd Edelgeſtein findet/ das faffet er auff kurtzeft in ein befonder Buch/ vnd nennet daffelbige die Hiftoria der Natur. In demfelbigem Buche hat er auch kurtz zufammen gefatzt/ was er von den Indianifchen wunder Menſchen geſehen hatte. Das alhie auff des Alexandri Magni Epiftel folget. Dieweil aber der treffliche ſcharffinnige Philoſophus vnd Redner Lucianus,

der ohn

A4^r

der ohn gefehr hundert jahr nach vnfers HErrn Chrifti Geburt gelebet hat/ zur zeit des Keyfers Trajani, auch alle Bücher durch laß/ vnnd fahe/ das die Indianifchen Reyßen mit groben greifflichen Lügen verdorben wehren/ fo schreibet er nach feiner Weißheit vnd redekunft/ ein befonder Buch/ von Indianifchen Reyßen/ darin er die andern Scribenten vnd alle abergleubifche thorheit der Heyden außlacht/ vnd zu gleich mit dabey lehret/ was der Welt lauff fey/ bey hohes vnnd niederftandes Perfonen/ vnnd wie man fich darin schicken folle. Wie vnuerfchampte grobe vnd greiffliche Lügen aber in den vorigen schreiben alle fein/ fo haben doch die Gottes vnd Ehr- uergeffene Mönche fich nicht gefchemet/ jhren vnſchuldigen Heiligen folche Lucianifche poffen anzudeuten. Die Heilige Schrifft vnter die Banck zu ſtecken/ vnd an der ſtath öffentlich Fabelwerck zu predigen. Wie denn in aller Heiligen Merrer Legenden zubefinden/ vnd von den Antichriftifchen Jhefuwiderigen Heuchlern des Römifchen Pabſtes in ewigkeit mit grund der Warheit nicht kan entſchuldiget werden. Deffen Exempel haben wir fonderlich in Sanct Brandani legenda zu befehen. Dieweil aber mein lieber Vater M. Georg Rollenhagen/ der Schulen zu Magdeburg nun vber 35 jahr Conrector vnd Rector, Mir in meiner erften jugend zur vbung den Griechifchen vnd Teutfchen ſprach/ dieſe wunder Bücher in vnſer gewöhnlich Teutfch zu vberſetzen befohlen. Vnd E. G. nicht allein alle zu vnſer zeit in Druck verfertigte Indianiſche Schiffarten mit fleis zufammen kaufft Sondern auch alles was aus den Landen wunderbarliches anbracht worden/ von dem Herrn Doctore Paludano mit fleis ſamlet vnd als ein ſchatz bey jhrer wolangerichten Bibliotheken verwahret. So habe ich auff meines Vaters/ deſſen Tiſchgefell vnd Diſcipel E. G. für 35. jaren gewefen/ bedencken/ vnd raht/ zu derſelben Colligirung der Bibliotheken auch dieſe meine geringe erbeit/ weil ich ſonſt E. G. vielfeltige gũnſtige wolthalen/ fo meinem

Vater

A4^v

Vater vnd Mir wiederfahren/ nirgend mit zu vergelten habe/
dienftlich verehrē wollen/ mit dienftlicher bitt/ E G. wolle ſich
dieſelbe gefallen laſſen/ vnd wie biß daher geſchehen/ meines lie-
ben Vaters/ mein vnd meiner Brüder großgünstiger Jungk-
herr/ Patron/ Förender vnd Freund ſein vnd bleiben. Damit
ich E. G. derſelben Edle Ehrentugentſame Haußfraw/ jun-
ge Söhnlein/ vnd Jungfrawen/ vnd alle die jhrigen zu lang-
wiriger gefundheit vnd wolfarth/ in Gottes gnedigen Schirm
vnd Schutz getrewlich befehle. Datum Leipzig/ an der hoch vnd
viel belogener heiligen drey Könige tage/ im 1603 jahr.

E. G. vnd Ehrenfelt

Dienftwilliger

Gabriel Rollenhagen dißmall
zu Leipzig ſtudierend.

Dd2^r

203

Vrfach diefer Schriftt.

DJeweil in obgefatzten Schriftten mehrertheils vnerfindlicht
fachen/ vnter dem fchein der Warheit/ künstlich befchrieben
werden/ vnnd infonderheit Lucianus feine Reyße Alethinus
logus, das ift/ wahre Lügen nennet/ So hab ichs nicht vn-
füglich geachtet/ das ich etzliche Paradora vnd Wunderreden hinan fetz-
te/ die bey dem mehrentheil der Gelerten für wahre Hiftorien gefchrie-
ben/ gelert vnd gepredigt werden/ vnd dennoch im grunde der Warheit
lauter Gedicht/ oder vbel erklerete Bildnüssen fein. Dafür man infon-
derheit die Jugend warnen fol/ das man fie nicht Gottes Wort gleich
halte. Ob gleich einer oder ander danon fchreiben. Denn wie Plinius
felbft klagt lib. 8. cap. 22. Nullum est tam impudens mendacium vt
tecte careat. Es ift keine Lügen fo vnuerfchampt/ das nicht jemand da-
von fchreibt/ das fie wahr were. Darumb auch mein lieber Vater mir/
meinen Brüdern vnd Tiſchgeſellen/ dieſelben Paradoxa, daheim für Ar-
gumentlein vnd Haußſchriftlein/ zur vbung der Lateiniſchen Sprach
vnd nothwendigen warhafften vnterricht vorzufagen vnd zu Dictiren
pflag. Bey welcher kurtz ichs auch in diefer Schrift bleiben laſſe. Es ſol-
te aber billig ein Gelerter/ müffiger Mann/ ſich vber ſolche Paradoxa li-
teratorum machen/ vnd aus den Pandectis Geineri, da er ſolches vnd
dergleichen alles beyeinander findet/ vnd aus andern darzu nötigen Scri-
benten/ davon für die/ ſo die Bücher/ oder den Bericht nicht haben/ et-
was ausführliches ſchreiben. Damit man ſolche grobe vngereimte/ fal-
ſche/ abergleubige vnd Nerriſche Zoten nicht in den Schulen vnd Kir-
chen/ für Gottes Wort/ der Jugend ohn auffhören vorblewete. Son-
dern lieſſe Gottes Wort/ mit Menſchengedicht vnd Narrentand vnver-
börtelt vnd vnbeſudelt. Gott bedarff vnſer Lügen zu ſeiner Warheit er-
klerung vnd beſtetigung in keinem wege. Wie ein jeder Chrift vnd ver-
nünftiger Menſch/ ohne das/ verſtehet. Ich hoffe aber dieſe meine
ſchlechte entwerffung wenig ſolcher fachen/ ſol Gelerten Leuten vrfach
geben/ dieſem allen ferner nach zu dencken/ vnd alles außführlicher zu
beweiſen vnd zu widerlegen. In des wolle ſich der gñtliche Leſer/ dieſe

D d ij meine

Dd2^v

204

meine geringfchetzige/ aber dennoch außführliche andeutung wol gefal-
len laffen. Den ich hiemit in Gottes Allmechtigen Schutz getrewlich
befehle.

Georg Rollenhagen wüñchet dem
Chriftlichen Lefer Gottes Gnad
vnd Segen.

Folgende Fragen hab ich nicht allein meinen
Kindern/ vnd Difcipulen/ daheim für Argumentlein ge-
geben/ die Lateinifche Sprach/ damit/ das fie die Latei-
nifch machten/ zu vben/ wie in voriger Schrifft gedacht
wird. Sondern auch zuuor vnd jtzt fie von newen vberfehen/ vnd
mit etlichen deffelben fchlages bedenklichen Fragen vermehret. Denn
ob wol die Warheit/ wie Democritus fagt/ fehr tieff begraben ligt/ So
ift doch einem Ehrbaren gemût/ wie Ariftoteles fchreibt/ von Natur
nichts angelegener vnd angenemer/ denn der Warheit erforschung.
Vnd wenn man von groffen fchweren fachen nurt ein wenig gewiß
abrichten vnd erfahren mag/ ift es feines lobes wol würdig. Darzu
ift allhie/ wie vor ftehet/ ein geringer Anfanck gemacht. Denn ein je-
der verbeffern vnd vermehren kan/ vnd der Warheit zu ehren/ vnd
der Jugend zur lehr/ Nach dem er mehr gaben/ erfahrenheit/ weil/
vnd luft dazu hat. Wie denn vnſere Theologen der alten Römifchen
Kirchen Bücher Papiftifche warhaftige Lügen auß den Antiphnen/
Lectionen/ Sequentzen/ Collecten/ Legenden/ vnd Predigten/ de Bea-
ta virgine & communi Sanctorum, damit Gott vnd die lieben Heyligen
erfchrecklich gelefert werden/ vnd dennoch vnſern Leuten noch vnbe-
kandt fein/ billig in ein Buch zufamen fetzen/ auß der Finfterniß ans
heile tages licht herfür ziehen/ wie der Poeten Hercules den Cerbe-
rum/ die wiederlegen/ vnd aus denfelben der gantzen Welt augen-
fcheinlich beweifen folten/ was das alte Münchwefen/ das jtzt die
Jefuiter auffs herrlichſte rühmen/ vnd verthedigen/ vnd die jhnen
widerſprechen/ als Ertzketzer ermorden/ für eine Abgöttifche/ ab-
ſchewliche Cloaca Diaboloium gewefen/ wie erbermlich fie jhres bau-
ches

Dd3^r

205

ches vnd anfehens halben/ Gott vmb feine Ehre/ vnd die armen
vnwiffenden Menſchen vmb jhr Erbe vnd Güter/ vnd endlich vmb
jhrer Seelen Seligkeit/ jtztund aber/ von anfang der offenbarten
Lehr des H. Euangelij/ viel tauſent wieder Gott/ Natur/ Ehr
vnd Recht/ mit vnausſprechlicher Marter/ vmb ihr Leben gebracht
haben. Vnd was wir Teuſchen für groſſe wichtige nothdringende
vrfachen gehabt/ vnd noch haben/ vns von dem Antichriftlichen Ba-
bftumb zu dem lautern Wort Gottes abzuwenden. Nach Gottes
ernſten vnwiederſprechlichem befehl/ Hefekielis 20. Cap: Jhr ſolt
nach ewer Veter geboten nicht leben/ vnd jhre Rechte nicht halten/
vnd an jhren Götzen euch nicht verunreinigen. Denn ich bin der
HERR ewer Gott. Nach meinen Geboten ſolt jhr leben/ vnd
meine Rechte ſolt ihr halten/ vnd darnach thun/ &c.

Vnſer HERR vnd Heiland Jheſus Chriſtus laß vns genieſſen /
feines hertzlichen Gebets für feine Jünger vnd vns/ Johan: 17. Hei-
liger Vater/ Heilige lie in deiner Warheit. Dein Wort iſt die War-
heit/ Amen.